

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-645/24
Sarajevo, 25.3.2024. godine

Z A P I S N I K
7. SJEDNICE DOMA NARODA PARLAMENTA FEDERACIJE BOSNE I
HERCEGOVINE, održane 25.03.2024. godine

Sjednica je počela sa radom u 12 sati i 53 minute.

Sjednici je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio delegate.

Predsjedavajući je takođe pozdravio predstavnike Vlade Federacije BiH i potpredsjednika Federacije BiH Refika Lendu.

Izostanak sa sjednice najavili su sljedeći delegati: Ivan Odak, Zora Dujmović, Dragana Damjanović, Goran Broćeta i Daliborka Milović.

Prema evidenciji Stručne službe sjednici prisustvuje 70 delegata, što čini većinu, pa Dom naroda može raditi i punopravno odlučivati.

Predsjedavajući je predložio da se prije prelaska na rad glasa o usvajanju Zapisnika 6. sjednice Doma naroda Parlamenta Federacije BiH i Zapisnika 4. vanredne sjednice Doma naroda Parlamenta Federacije BiH.

Na osnovu rezultata glasanja, predsjedavajući je ustanovio da je Dom naroda, sa 63 glasa za, bez glasova protiv i bez uzdržanih glasova, usvojio Zapisnik 6. sjednice Doma naroda Parlamenta Federacije BiH.

Na osnovu rezultata glasanja, predsjedavajući je ustanovio da je Dom naroda, sa 65 glasova za, bez glasova protiv i uz tri uzdržana glasa, usvojio Zapisnik 4. vanredne sjednice Doma naroda Parlamenta Federacije BiH.

Predsjedavajući je prije utvrđivanja dnevnog reda saopštio delegatima da, na osnovu člana 104. Poslovnika o radu Doma naroda ako žele, mogu postavljati delegatska pitanja i pokretati inicijative.

Arman Zalihić je uputio inicijativu u vezi sa donošenjem zakona o novčanoj naknadi žrtvama krivičnih djela.

Ljubinka Atanasijević je uputila inicijativu i traži od Odbora za obrazovanje, nauku, kulturu, sport i pitanja mladih da je uputi prema Ministarstvu civilnih poslova BiH,

Odsjeku za sport, a u vezi sa dopunom Pravilnika o kategorizaciji sportista na nivou BiH.

Emir Dautović je postavio pitanje Ministarstvu za pitanja boraca i invalida odbrambeno-oslobodilačkog rata Federacije BiH, a u vezi sa povećavanjem, odnosno usklađivanjem naknada za supruge i roditelje poginulih boraca.

Damir Marjanović je postavio dva pitanja upućena Federalnom ministarstvu obrazovanja i nauke.

Prvo pitanje odnosi se na plan, realizaciju i pripremanje Nacrta zakona o naučno-istraživačkoj djelatnosti.

Drugo pitanje je vezano uz naslove ciklusa studiranja u BiH, te postavlja pitanje kolegama iz Ministarstva zdravstva u vezi sa postojanjem konsultacija sa Ministarstvom obrazovanja prilikom kreiranja odgovora Ministarstvu obrazovanja i nauke mladih Kantona Sarajevo.

Sandra Imširović je uputila inicijativu prema Federalnom ministarstvu unutrašnjih poslova i Cestama Federacije BiH, a tiče se postavljanja stacionarnog radara na magistralnom putu Kalesija – Živinice.

Belma Kapo je ponovila nekoliko pitanja koja je već prethodno postavljala Ministarstvu zdravstva, ali nije dobila pisani odgovor.

Pitanja su vezana za donošenje strategije o rijetkim bolestima u Federaciji BiH, obnavljanje liste lijekova Fonda solidarnosti, podatke o listama čekanja pacijenata za lijek, donošenje pravilnika o načinu dodjele lijekova za onkološke pacijente, sastav komisija u Fondu solidarnosti koji odlučuju ko će dobiti lijek i trajanje mandata komisija, ispunjavanje zakonske obaveze kantona o uplati sredstava prema Zavodu zdravstvenog osiguranja i reosiguranja Federacije BiH.

Marina Mujkanović je postavila dva pitanja.

Prvo pitanje je uputila Federalnom ministarstvu pravde, a tiče se faze izrade Prijedloga zakona o zaštiti od nasilja u porodici i izmjena Krivičnog zakona.

Drugo pitanje je uputila Federalnom ministarstvu zdravstva i Federalnom zavodu zdravstvenog osiguranja u vezi sa donošenjem strategije o rijetkim bolestima Federacije BiH, obnavljanje liste lijekova Fonda solidarnosti, podatke o listama čekanja pacijenata za lijek, pravilnike o načinu dodjele lijekova za onkološke pacijente, članove komisija u Fondu solidarnosti koji odlučuju ko će dobiti lijek i trajanje mandata komisija, kao i pitanje za ispunjavanje zakonske obaveze kantona za uplatu sredstava prema Zavodu zdravstvenog osiguranja i reosiguranja Federacije BiH.

Sanela Klarić je postavila četiri pitanja.

Prvo pitanje je uputila Regulatornoj komisiji za energiju u Federaciji BiH (FERK), Elektroprivredi BiH i Elektroprivredi HZHB Mostar u vezi sa usvajanjem podzakonskih akata, seta energetske zakona koji je usvojen u Domu naroda.

Drugo pitanje je uputila Ministarstvu pravde u vezi sa izradom zakona o inženjerskoj komori Federacije BiH, gdje je Ministarstvo pravde trebalo zajedno sa Vladom Federacije i drugim ministarstvima da krene u izradu zakona.

Treće pitanje je takođe uputila Ministarstvu pravde a tiče se zakona o građanskoj inicijativi, te je zatražila da se u Parlament Federacije BiH on pošalje u proceduru.

Četvrto pitanje uputila je Agenciji za vodno područje Save u Federaciji BiH u vezi sa vraćanjem u prvobitno stanje izgrađene obale utvrde na Drini u Goraždu.

Muamer Zukić je postavio dva pitanja.

Prvo pitanje je uputio Federalnom ministarstvu finansija te zatražio dostavljanje informacije o zaduženju Federacije BiH u 2024. godini.

Drugo pitanje je uputio Federalnom ministarstvu unutrašnjih poslova u vezi sa provjerom tačnosti izjave ambasadora BiH u UN-u Bojana Vujića o postavljanju kampova ISIL-a u Federaciji BiH.

Damir Džeba je postavio pitanje Federalnom ministarstvu energije, rudarstva i industrije i zatražio dostavljanje dokumenata u vezi sa izradom studija i analiza za Projekat „Južna plinska interkonekcija BiH i Republika Hrvatska“, te zatražio dostavljanje Studije predizvodljivosti sa preliminarnom Analizom uticaja na okolinu i društvo iz oktobra 2013. godine, Analizu finansijske održivosti i Analizu troškova i koristi iz maja 2018. godine, Idejni projekat i Studiju izvodljivosti iz oktobra 2020. godine, te Studiju uticaja na okolinu i društvo iz januara 2021. godine.

Dževad Hadžić je uputio inicijativu i postavio dva pitanja.

Prvo pitanje je uputio Federalnom ministarstvu zdravstva i Federalnom zavodu zdravstvenog osiguranja i reosiguranja a odnosi se na donošenje strategije o rijetkim bolestima u Federaciji BiH, obnavljanje liste lijekova Fonda solidarnosti, javnoj dostupnosti podataka o listi čekanja pacijenata za lijek, javnoj dostupnosti Pravilnika o načinu dodjele lijekova, ispunjavanju zakonske obaveze kantona za uplatu sredstava prema Zavodu zdravstvenog osiguranja i reosiguranja Federacije BiH te postojanju Strategije i plana za smanjenje liste čekanja i rješavanje problema nemogućnosti dolaska do inovativnih lijekova.

Drugo pitanje je uputio Federalnom ministarstvu zdravstva, a u vezi sa fazom podnošenja zahtjeva za upis Federacije u sudski registar kao osnivača, odnosno suosnivača te fazu pokretanja postupka za potpisivanje ugovora o suosnivačkim pravima nad UKC-om Tuzla između Tuzlanskog kantona i Federacije BiH.

Inicijativu je uputio prema Federalnoj upravi inspekcijskih poslova u vezi sa vršenjem nadzora nad UKC-om Tuzla i utvrđivanja postojanja nepravilnosti u vezi sa mandatom vršioca dužnosti direktora Univerzitetskog kliničkog centra Tuzla i upisa Federacije u sudski registar kao osnivača, suosnivača.

Boris Mrnjavac je postavio pitanje Nedeljku Rimcu, ministru Federalnog ministarstva zdravstva, u vezi sa donošenjem podzakonskog akta kojim bi se uredilo trajanje, program i grane specijalizacije u sestrinstvu propisane Zakonom o sestrinstvu i primateljstvu.

Aida Obuća je postavila dva pitanja Federalnom ministarstvu pravde.

Prvo pitanje je u vezi sa fazom izrade Prijedloga zakona o zaštiti od nasilja u porodici i izmjena i dopuna Krivičnog zakona.

Drugo pitanje tiče se Strategije za prevenciju i borbu protiv nasilja u porodici 2024. – 2027. godina, jer bi to doprinijelo boljem i kvalitetnijem institucionalnom okviru za borbu protiv nasilja.

Amir Orlović je postavio dva pitanja Federalnom ministarstvu za pitanja boraca i invalida odbrambeno-oslobodilačkog rata.

Prvo pitanje se odnosi na inicijativu Damira Mašića iz prethodnog mandata, te je zamolio predsjedavajućeg da pitanje dostavi resornom ministarstvu, koje je postavio 5.10.2023. godine na 4. sjednici Doma naroda Parlamenta Federacije BiH na koje još nije dobio odgovor.

Takođe je zamolio predsjedavajućeg da resornom ministarstvu dostavi pitanja koja je postavio 5.10.2023. godine na 4. sjednici Doma naroda Parlamenta Federacije BiH, a na koja još nije dobio odgovor, jer su odgovori na njih neophodni za upućivanje inicijative sa ciljem izjednačavanja prava svih ratnih vojnih invalida koji su stekli pravo na penziju po Zakonu o povoljnijem penzionisanju po osnovu ranjavanja.

Jelena Pekić je postavila pet pitanja.

Prvo pitanje je postavila Federalnom ministarstvu zdravstva i Federalnom zavodu zdravstvenog osiguranja u vezi sa donošenjem strategije o rijetkim bolestima Federacije BiH, obnavljanje liste lijekova Fonda solidarnosti, podatke o listama čekanja pacijenata za lijek, pravilnike o načinu dodjele lijekova za onkološke pacijente, članove komisija u Fondu solidarnosti koji odlučuju ko će dobiti lijek i trajanje mandata komisija, kao i pitanje za ispunjavanje zakonske obaveze kantona za uplatu sredstava prema Zavodu zdravstvenog osiguranja i reosiguranja Federacije BiH.

Takođe je postavila nekoliko pitanja Federalnom ministarstvu energije, rudarstva i industrije.

Drugo pitanje je u vezi sa primjenom Zakona o korištenju obnovljivih izvora energije i usvajanju podzakonskih akata koji su predviđeni setom reformskih zakona.

Treće pitanje se odnosi na koordinacione sastanke na kojima se razmatra provodljivost i kompaktnost podzakonskih akata reformskog seta zakona koje pripremaju tri različite institucije i dva elektroprivredna društva.

Četvrto pitanje se tiče nivoa pripremljenosti zakona o električnoj energiji u Federaciji BiH koji se odnosi na odvajanje operatora od distributivnog sistema ODES-a, a u vezi sa pitanjem obaveza iz čl. 47. i 48.

Peto pitanje je upućeno Regulatornoj komisiji za energiju u Federaciji Bosne i Hercegovine (FERK), a u vezi sa obezbjeđenjem priključka na distributivnu mrežu kako to garantuje Zakon o korištenju obnovljivih izvora energije.

Vesna Saradžić je postavila pitanje Federalnom ministarstvu zdravstva i Zavodu zdravstvenog osiguranja i reosiguranja Federacije BiH, a u vezi sa implementacijom

Zakona o liječenju neplodnosti biomedicinski potpomognutom oplodnjom, kao i donošenju strategije za otvaranje državnog centra za vantjelesnu oplodnju (IVF).

Miomirka Melank je postavila pitanje Federalnom ministarstvu pravde, a tiče se donošenja teksta nacrtu ili prijedloga izmjena i dopune Krivičnog zakona, kao i Nacrta zakona o zaštiti od nasilja u porodici.

Haris Zahiragić je postavio četiri pitanja.

Prvo pitanje je uputio premijeru Nerminu Nikšiću i resornom ministru Adnanu Deliću u vezi sa planom izrade i upućivanja u parlamentarnu proceduru zakona koji će prepoznati istospolne bračne ili bilo koje druge zajednice.

Drugo pitanje je uputio predsjedniku i zamjeniku predsjednika Komisije za ustavna pitanja u Domu naroda Parlamenta Federacije BiH Damiru Džebi i Viboru Handžiću u vezi sa konstituisanjem Komisije za ustavna pitanja kako bi razmatrali Odluku Visokog predstavnika koja sadrži amandmane na Ustav Federacije BiH, a koji stupaju na snagu 1.5.2024. godine.

Treće pitanje je uputio Federalnom ministarstvu unutrašnjih poslova i Federalnoj upravi policije a tiče se tretiranja povratnika bh. državljana koji su učestvovali u agresiji na Ukrajinu i Palestinu.

Četvrto pitanje je uputio premijeru Federacije, federalnom ministru pravde, Federalnom ministarstvu unutrašnjih poslova i Federalnom ministarstvu raseljenih lica i izbjeglica u vezi sa spornim grbom Čapljine koji je proglašen neustavnim i traži reagovanje nadležnih organa da sankcionišu neprovođenje presude Ustavnog suda.

Delegatkinja Vesna Saradžić je zatražila pauzu 40 minuta ispred Kluba delegata srpskog naroda.

Nakon pauze prešlo se na utvrđivanje dnevnog reda.

Muamer Zukić, predsjednik Kluba delegata bošnjačkog naroda, predložio je Zaključak kojim traži povlačenje 1. tačke sa dnevnog reda - Zakon o prodaji stanova na kojima postoji stanarsko pravo – a koji, sa 26 glasova za, uz devet uzdržanih glasova i uz 28 glasova protiv, nije dobio potrebnu većinu.

Vlada Federacije BiH je dostavila Prijedlog zakona o izmjenama i dopuni Zakona o prodaji stanova na kojima postoji stanarsko pravo, sa prijedlogom da se razmatra po hitnom postupku.

Na osnovu rezultata glasanja, predsjedavajući je konstatovao da ovaj prijedlog, sa 38 glasova za, uz devet uzdržanih glasova i uz 13 glasova protiv, nije dobio potrebnu većinu.

Na osnovu rezultata glasanja, predsjedavajući je konstatovao da je Dom naroda, sa 54 glasa za, uz 11 uzdržanih glasova i bez glasova protiv, prihvatio sljedeći:

DNEVNI RED

1. Nacrt zakona o izmjenama i dopuni Zakona o prodaji stanova na kojima postoji stanarsko pravo;
2. Prijedlog odluke o prihvatanju zaduženja po Sporazumu o zajmu između Međunarodne banke za obnovu i razvoj (IBRD) i Bosne i Hercegovine za finansiranje Projekta unapređenja zdravstvenih sistema;
3. Izvještaj o radu Regulatorne komisije za energiju u Federaciji BiH za 2022. godinu;
4. Izvještaj o stanju poljoprivrede (Zeleni izvještaj) u Federaciji BiH za 2022. godinu;
5. Izvještaj o odobravanju izdvajanja sredstava iz "Tekuća rezerva" Vlade Federacije Budžeta Federacije BiH za 2023. godinu za period 1.1.-31.12.2023. godine;
6. Kvartalni izvještaj o dugu Q4/2023;
7. Izvještaj o zaduženju Federacije BiH po osnovu emisije (9M) trezorskih zapisa na dan 12.12.2023. godine;
8. Izvještaj o odlukama o pomilovanju pravosnažno osuđenih lica donesenim u 2023. godini;
9. Izbori i imenovanja:
 - a) Prijedlog odluke o izboru potpredsjedavajućeg Doma naroda Parlamenta Federacije BiH,
 - b) Prijedlog odluke o izmjenama Odluke o izboru predsjednika, zamjenika predsjednika i članova radnih tijela Doma naroda Parlamenta Federacije BiH,
 - c) Prijedlog odluke o izboru članova u Parlamentarnu komisiju odgovornu za reviziju,
 - d) Prijedlog odluke o izboru članova u Zajedničku komisiju za usaglašavanje različito usvojenih tekstova zakona u domovima Parlamenta Federacije BiH,
 - e) Prijedlog odluke o izmjeni Odluke o izboru članova u Komisiju za evropske integracije Doma naroda Parlamenta Federacije BiH,
 - f) Prijedlog članova iz Doma naroda u Zajedničku radne grupu komisija za izbor i imenovanja oba doma Parlamenta Federacije BiH.

1. Nacrt zakona o izmjeni i dopuni Zakona o prodaji stanova na kojima postoji stanarsko pravo

Tekst zakona je utvrdila Vlada Federacije BiH.

Predstavnički dom obavijestio je Dom naroda da je na 9. sjednici, održanoj 24.1.2024. godine, usvojio Prijedlog zakona o izmjenama i dopuni Zakona o prodaji stanova na kojima postoji stanarsko pravo u tekstu kako ga je predložila Vlada Federacije BiH.

Tekst Nacrta zakona razmatralo je nadležno radno tijelo.

Nacrt zakona obrazložio je Željko Nedić, ministar Federalnog ministarstva prostornog uređenja.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 48 glasova za, uz osam uzdržanih glasova i uz pet glasova protiv, prihvatio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt zakona o izmjenama i dopuni Zakona o prodaji stanova na kojima postoji stanarsko pravo.
2. Ovaj zaključak stupa na snagu danom donošenja.

2. Prijedlog odluke o prihvatanju zaduženja po Sporazumu o zajmu između Međunarodne banke za obnovu i razvoj (IBRD) i Bosne i Hercegovine za finansiranje Projekta unapređenja zdravstvenih sistema

Prijedlog odluke dostavila je Vlada Federacije BiH.

Predstavnički dom obavijestio je Dom naroda da je u nastavku 35. sjednice, održane 27.7.2022. godine, donio Odluku o prihvatanju zaduženja po Sporazumu o zajmu između Međunarodne banke za obnovu i razvoj i Bosne i Hercegovine za finansiranje Projekta unapređenja zdravstvenog sistema.

Prijedlog odluke o prihvatanju zaduženja razmatrala su nadležna radna tijela.

Prijedlog odluke obrazložili su Vedad Nezirić, šef Odsjeka za zaduživanje i koordinaciju sredstava za razvoj u Federalnom ministarstvu finansija, i Vildana Doder, šefica Odsjeka za organizaciju zdravstvene zaštite i razvoj zdravstvenih sistema u Federalnom ministarstvu zdravstva.

U raspravi su učestvovale Belma Kapo i Vildana Doder.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 57 glasova za, uz dva uzdržana glasa i uz tri glasa protiv, donio Odluku o prihvatanju zaduženja po Sporazumu o zajmu između Međunarodne banke za obnovu i razvoj i Bosne i Hercegovine za finansiranje Projekta unapređenja zdravstvenog sistema.

3. Izvještaj o radu Regulatorne komisije za energiju u Federaciji BiH za 2022. godinu

Primjenom Zakona o električnoj energiji Regulatorna komisija za energiju u Federaciji BiH dužna je podnositi izvještaje Parlamentu Federacije BiH o svom radu najmanje jednom godišnje.

Predstavnički dom obavijestio je Dom naroda da je na 6. sjednici, održanoj 10.1.2024. godine, usvojio Izvještaj o radu FERK-a za 2022. godinu.

Izvještaj su razmatrala nadležna radna tijela.

Izvještaj o radu je obrazložio predstavnik Regulatorne komisije za energiju u Federaciji BiH.

Predsjedavajući je pozvao Nezima Alagića da ispred radnog tijela obrazloži izvještaj.

U raspravi niko nije učestvovao.

Predsjedavajući je dao na glasanje sljedeći:

Z A K L J U Č A K

Dom naroda Parlamenta Federacije BiH usvaja Izvještaj o radu Regulatorne komisije za energiju u Federaciji BiH za 2022. godinu.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 49 glasova za, uz devet uzdržanih glasova i bez glasova protiv, usvojio Izvještaj o radu Regulatorne komisije za energiju u Federaciji BiH za 2022. godinu.

4. Izvještaj o stanju poljoprivrede (Zeleni izvještaj) u Federaciji BiH za 2022. godinu

Vlada Federacije BiH dostavila je Parlamentu Federacije BiH Izvještaj o stanju poljoprivrede u Federaciji BiH za 2022. godinu radi razmatranja i prihvatanja.

Predstavnički dom je obavijestio Dom naroda da je na 6. sjednici, održanoj 10.1.2024. godine, prihvatio Izvještaj o stanju poljoprivrede u Federaciji BiH za 2022. godinu.

Izvještaj su razmatrala nadležna radna tijela.

Izvještaj o stanju poljoprivrede u Federaciji BiH za 2022. godinu obrazložio je Bešćo Alibegović, pomoćnik federalnog ministra za poljoprivredu i prehrambenu industriju.

U raspravi su učestvovali: Sanela Klarić, Haris Zahiragić, Bešćo Alibegović i Senad Alić.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 54 glasa za, uz dva uzdržana glasa i bez glasova protiv, prihvatio Izvještaj o stanju poljoprivrede (Zeleni izvještaj) u Federaciji BiH za 2022. godinu.

5. Izvještaj o odobravanju izdvajanja sredstava iz "Tekuća rezerva" Vlade Federacije Budžeta Federacije BiH za 2023. godinu za period 1.1.-31.12.2023. godine

Vlada Federacije BiH je dostavila Izvještaj o odobravanju izdvajanja sredstva iz „Tekuća rezerva“ Vlade Federacije Budžeta Federacije BiH za 2023. godinu za period 1.1.-31.12.2023. godine Parlamentu Federacije BiH radi prihvatanja.

Izvještaj su razmatrala nadležna radna tijela.

Izvještaj je obrazložila Ana Nikolić, stručna saradnica za pravne poslove Federalnog ministarstva finansija.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 46 glasova za, uz sedam uzdržanih glasova i uz pet glasova protiv, prihvatio Izvještaj o odobravanju izdvajanja sredstava iz "Tekuća rezerva" Vlade Federacije Budžeta Federacije BiH za 2023. godinu za period 1.1.-31.12.2023. godine.

6. Kvartalni izvještaj o dugu Q4/2023

Vlada Federacije BiH dostavila je radi informisanja Parlamentu Federacije BiH Kvartalni izvještaj o dugu Q4/2023.

Izvještaj su razmatrala nadležna radna tijela.

Izvještaj je obrazložila Tonka Kozarić, stručna savjetnica u Sektoru za dug Federalnog ministarstva finansija.

U raspravi su učestvovali Jelena Pekić i Haris Zahiragić.

Predsjedavajući je konstatovao da je Dom naroda Parlamenta Federacije primio k znanju Kvartalni izvještaj o dugu Q4/2023.

7. Izvještaj o zaduženju Federacije Bosne i Hercegovine po osnovu emisije (9M) trezorskih zapisa na dan 12.12.2023. godine

Vlada Federacije BiH dostavila je Izvještaj o zaduženju Federacije BiH po osnovu emisije (9M) trezorskih zapisa radi informisanja.

Izvještaj je obrazložila Tonka Kozarić, stručna savjetnica u Sektoru za dug Federalnog ministarstva financija.

U raspravi niko nije učestvovao.

Predsjedavajući je konstatovao da je Dom naroda Parlamenta Federacije primio k znanju Izvještaj o zaduženju Federacije BiH po osnovu emisije (9M) trezorskih zapisa na dan 12.12.2023. godine.

8. Izvještaj o odlukama o pomilovanju pravosnažno osuđenih lica donesenim u 2023. godini

Na osnovu člana 20. Zakona o pomilovanju, predsjednica Federacije BiH je dostavila Parlamentu Federacije BiH Izvještaj o donesenim odlukama o pomilovanju pravosnažno osuđenih lica u 2023. godini.

Izvještaj su razmatrala nadležna radna tijela.

Izvještaj je obrazložila Niveska Oroz iz kabineta predsjednice Federacije BiH.

Predsjedavajući je konstatovao da je Dom naroda Parlamenta Federacije primio k znanju Izvještaj o odlukama o pomilovanju pravosnažno osuđenih lica donesenim u 2023. godini.

9. Izbori i imenovanja

Predsjedavajući je iznio podtačke koje se odnose na različite vrste imenovanja:

- a) Prijedlog odluke o izboru potpredsjedavajućeg Doma naroda Parlamenta Federacije BiH,
- b) Prijedlog odluke o izmjenama Odluke o izboru predsjednika, zamjenika predsjednika i članova radnih tijela Doma naroda Parlamenta Federacije BiH,
- c) Prijedlog odluke o izboru članova u Parlamentarnu komisiju odgovornu za reviziju,
- d) Prijedlog odluke o izboru članova u Zajedničku komisiju za usaglašavanje različito usvojenih tekstova zakona u domovima Parlamenta Federacije BiH,
- e) Prijedlog odluke o izmjeni Odluke o izboru članova u Komisiju za evropske integracije Doma naroda Parlamenta Federacije BiH,
- f) Prijedlog članova iz Doma naroda u Zajedničku radnu grupu komisija za izbor i imenovanja oba doma Parlamenta Federacije BiH.

Predsjedavajući je predložio obrazloženje kompletnog izvještaja Komisije za izbor i imenovanja, te da se nakon toga pristupi glasanju pojedinačno za svaku podtačku.

Predsjedavajući je pozvao predsjednika Komisije za izbor i imenovanja Ševo Milana, da obrazloži Izvještaj.

a) Prijedlog odluke o izboru potpredsjedavajućeg Doma naroda Parlamenta Federacije BiH

Obzirom na to da je dosadašnji potpredsjedavajući iz reda bošnjačkog naroda Izen Hajdarević podnio ostavku neophodno je da Dom naroda izabere novog potpredsjedavajućeg.

Prijedlog za izbor predsjedavajućeg i dva potpredsjedavajuća u skladu sa članom 35. Poslovnika o radu Doma naroda donosi svaki klub naroda tako da svaki delegat ima pravo predlagati kandidate za ove dužnosti, a ako za jedno mjesto ima više kandidata prvo se glasa za kandidata kojeg je predložio klub naroda.

Klub delegata bošnjačkog naroda za potpredsjedavajuću Doma naroda Parlamenta Federacije predložio je Fatimu Gavrankapetanović-Smailbegović iz reda bošnjačkog naroda.

Delegat Aljoša Čampara je za potpredsjedavajućeg Doma naroda Parlamenta Federacije BiH predložio Nezima Alagića.

O navedenim prijedlozima se, u skladu sa Poslovníkom o radu Doma naroda a nakon što razmotri Komisija za izbor i imenovanja, izjašnjava Dom naroda.

U raspravi su učestvovali: Haris Zahiragić, Damir Džeba, Muamer Zukić, Vedrana Vujović, Arman Zalihić, Amir Orlović, Tomislav Martinović i Mladen Lonić.

Na osnovu rezultata glasanja, predsjedavajući je konstatovao da prijedlog Kluba delegata bošnjačkog naroda da se za potpredsjedavajućeg Doma naroda Parlamenta Federacije BiH izabere Fatima Gavrankapetanović-Smailbegović, sa 24 glasa za, uz 26 uzdržanih glasova i uz 13 glasova protiv, nije dobio potrebnu većinu.

Delegat Muamer Zukić je zatražio pojedinačno izjašnjanje za ovaj prijedlog.

Na osnovu pojedinačnog izjašnjanja, predsjedavajući je konstatovao da, sa 22 glasa za, uz 35 uzdržanih glasova i uz sedam glasova protiv, ovaj prijedlog nije dobio potrebnu većinu.

Na osnovu rezultata glasanja, predsjedavajući je konstatovao da je prijedlog delegata Aljoše Čampare da se za potpredsjedavajućeg Doma naroda Parlamenta Federacije BiH izabere Nezim Alagić, sa 44 glasa za, uz osam uzdržanih glasova i uz 10 glasova protiv, dobio potrebnu većinu.

b) Prijedlog odluke o izmjenama Odluke o izboru predsjednika, zamjenika predsjednika i članova radnih tijela Doma naroda Parlamenta Federacije BiH

Kolegij Doma naroda je predložio izmjene Odluke o izboru predsjednika, zamjenika predsjednika i članova radnih tijela Doma naroda Parlamenta Federacije BiH.

U Komisiju za ljudska prava i slobode umjesto Izena Hajdarevića imenovan je Enes Peštek, u Komisiju za jezička pitanja umjesto Ane-Marije Tadić-Jakovljević imenovana je Antonija Rotim, u Odbor za prostorno uređenje, ekologiju i stambeno-komunalne poslove umjesto Irfana Čengića imenovana je Vildana Bešlija, u Odbor za denacionalizaciju i privatizaciju umjesto Irfana Čengića imenovan je Emir Begić, u Odbor za denacionalizaciju i privatizaciju umjesto Ljubinke Atanasijević imenovan je Saša Lukić i u Odbor za povratak izbjeglih, prognanih i raseljenih lica umjesto Sandre Imširović imenovan je Almir Dorić.

Na osnovu rezultata glasanja, predsjedavajući je konstatovao da je Dom naroda, sa 50 glasova za, uz šest uzdržanih glasova i uz dva glasa protiv, prihvatio Prijedlog odluke o izmjenama Odluke o izboru predsjednika, zamjenika predsjednika i članova radnih tijela Doma naroda Parlamenta Federacije BiH.

c) Prijedlog odluke o izboru članova u Parlamentarnu komisiju odgovornu za reviziju

Kolegij Doma naroda je dostavio prijedlog da se u Parlamentarnu komisiju odgovornu za reviziju izaberu Dževad Hadžić, Slađan Ilić, Tomislav Martinović, Tomislav Mandić, Vesna Saradžić, Muamer Zukić i Damir Džeba.

Na osnovu odredbi Odluke o formiranju Parlamentarne komisije odgovorne za reviziju, Komisija je predložila da se za predsjednika/zamjenika predsjednika Parlamentarne komisije odgovorne za reviziju ispred Doma naroda izabere Damir Džeba.

Na osnovu rezultata glasanja, predsjedavajući je konstatovao da je Dom naroda, sa 47 glasova za, uz 10 uzdržanih glasova i uz jedan glas protiv, prihvatio Prijedlog odluke o izboru članova u Parlamentarnu komisiju odgovornu za reviziju.

d) Prijedlog odluke o izboru članova u Zajedničku komisiju za usaglašavanje različito usvojenih tekstova zakona u domovima Parlamenta Federacije Bosne i Hercegovine

Zajedničku komisiju za usaglašavanje različito usvojenih tekstova zakona u domovima Parlamenta Federacije BiH vode predsjednik, zamjenik predsjednika koji se na položaju predsjednika rotiraju svakih šest mjeseci.

Kolegij Doma naroda je dostavio prijedlog da se u Zajedničku komisiju za usuglašavanje različito usvojenih tekstova zakona, ispred Doma naroda, izaberu: Haris Zahiragić, Ivana Zrimšek-Šaravanja, Dragan Konta, Vildana Bešlija i Žarko Vujović.

Prijedlog ove odluke je potrebno dostaviti Predstavničkom domu na potvrđivanje i izbor članova ispred Predstavničkog doma.

Na osnovu rezultata glasanja, predsjedavajući je konstatovao da je Dom naroda, sa 51 glasom za, uz šest uzdržanih glasova i bez glasova protiv, prihvatio Prijedlog odluke o izboru članova u Zajedničku komisiju za usaglašavanje različito usvojenih tekstova zakona u domovima Parlamenta Federacije BiH.

e) Prijedlog odluke o izmjeni Odluke o izboru članova u Komisiju za evropske integracije Doma naroda Parlamenta Federacije BiH

Centralna izborna komisija je na 73. sjednici, održanoj 15.11. donijela Odluku o prestanku mandata Izenu Hajdareviću i o tome obavijestila Dom naroda.

U skladu sa navedenom činjenicom u Komisiju za evropske integracije se biraju članovi Kolegija Doma naroda, te je Komisija predložila Domu naroda da donese odluku o izmjeni Odluke o izboru članova u Komisiju za evropske integracije Doma naroda, kojom se za člana Komisije umjesto Izena Hajdarevića imenuje potpredsjedavajući Doma naroda Nezim Alagić.

U raspravi su učestvovali Haris Zahiragić i Tomislav Martinović.

Na osnovu rezultata glasanja, predsjedavajući je konstatovao da je Dom naroda, sa 44 glasa za, uz devet uzdržanih glasova i uz dva glasa protiv, prihvatio Prijedlog odluke o izmjeni Odluke o izboru članova u Komisiju za evropske integracije Doma naroda Parlamenta Federacije BiH.

f) Prijedlog članova iz Doma naroda u Zajedničku radnu grupu komisija za izbor i imenovanja oba doma Parlamenta Federacije BiH

Kolegij Doma naroda je dostavio prijedlog da se u Zajedničku radnu grupu komisija za izbor i imenovanja oba doma Parlamenta Federacije umjesto Ilije Ilića imenuje Milan Ševo, umjesto Aide Obuća imenuje Mirnes Bašić i umjesto Ljubinke Atanasijević imenuje Kristina Petrović.

Na osnovu rezultata glasanja, predsjedavajući je konstatovao da je Dom naroda, sa 49 glasova za, uz četiri uzdržana glasa i uz tri glasa protiv, prihvatio prijedlog članova iz Doma naroda u Zajedničku radnu grupu komisija za izbor i imenovanja oba doma Parlamenta Federacije BiH.

Sjednica je završila rad u 17 sati i 24 minute.

Transkript sjednice čini sastavni dio Zapisnika.

SEKRETAR
Izmir Hadživadić

PREDSJEDAVAJUĆI
Tomislav Martinović